

ZAPISNIK

SA III ELEKTRONSKE SJEDNICE
UPRAVNOG ODBORA BIKLISTIČKOG SAVEZA BiH

održane dana 13.03.2021. godine (Subota), sa početkom u 19:00 sati

Sjednici su prisustvovali svi članovi Upravnog odbora BiSaBiH i to: Toni Zorić, Vladimir Kvalja, Mirsad Jusić, Amar Njemčević, Goran Garača, Emir Vučijak, Goran Guska, Ivan Širić, Ivan Jurilj i gen.sekretar Tihomir Kvalja.

Sjednicu je otvorio predsjednik Upravnog odbora Biciklističkog saveza Bosne i Hercegovine (*u daljnjem tekstu UO BiSaBiH*) Toni Zorić, te predložio sljedeći:

DNEVNI RED

1. Usvajanje zapisnika za II sjednice UO
2. Izvještaj/popis sredstva Saveza (Vladimir Kvalja)
3. Trening kamp reprezentacije – informacije
4. Isplata sredstava za Vedad Karić po natječaju/konkursu
5. Web stranica Saveza - informacije
6. Izbor sekretara Saveza
7. Rasprava o izboru sportskog direktora Saveza
8. Ostalo

Toni Zorić je otvorio III elektronsku sjednicu i pozdravio sve prisutne, te predstavio Dnevni red i zamolio za konstruktivnu i brzu sjednicu UO BiSaBiH.

Dnevni red je jednoglasno usvojen.

RASPRAVLJANJE PO TOČKAMA DNEVNOG REDA:

Točka 1. Usvajanje zapisnika za II sjednice UO

Zapisnik je usvojen jednoglasno.

Točka 2. Izvještaj/popis sredstva Saveza (Vladimir Kvalja)

Vladimir Kvalja je objasnio kako je napravio popis, međutim zbog obaveza oko organizacije Svjetskog prvenstva isti nije stigao na vrijeme poslati članovima UO kako bi imali dokument prije sjednice UO.

Zaključak: Zadužuje se Vladimir Kvalja da dostavi izvještaj na UO kako bi se po ovoj točki pripremili za iduću sjednicu Upravnog odbora. Za ovaj dio posla im se daje rok od 7 dana.

Točka 3. Trening kamp reprezentacije - informacije

Toni Zorić je uzeo riječ i kazao kako je sve spremno za doček biciklista u Mostar. Što se tiče epidemioloških mjera, pratiti ćemo razvoj situacije, a svakako smo se pobrinuli da se ispoštuju sve epidemiološke mjere kako bi naši sportaši bili sigurni. Ekipa će biti smještena u Student hotel Mostar, a treneri su se pobrinuli za jako zanimljiv Plani program treninga. Planirana je i edukacija o doping u i korištenju nedozvoljenih sredstava koju će održati djelatnici Agencije za antidoping kontrolu BiH.

Točka 4. Isplata sredstava za Vedad Karić po natječaju/konkursu

Toni Zorić je kazao kako je Gen.Sekretar Tihomir Kvalja pomogao Vedadu prilikom pravdan ja sredstava po natječaju, te kako je prošlo više od mjesec dana kako su sredstva opravdana, te vjerujemo kako je dokumentacija uredna te možemo isplatiti Vedadu sredstva na račun njegovog kluba.

Zaključak: Zadužuje se Tihomir Kvalja da napravi odluku o isplati sredstava na račun kluba "Rotacija Spin" Zenica, te da se na račun ovog kluba isplati iznos od 2.700,00 KM.

Točka 5. Web stranica Saveza - informacije

Toni Zorić je članovima UO BiSaBiH predstavio web stranicu BiSaBiH, te dodao kako se izrada iste primakla kraju. Zatražio je pomoć od članova UO kako bi na istoj popunili neke bitne informacije.

Amar Njemčević se javio za pomoć te će on popuniti rubriku često postavljenih pitanja i ponuditi odgovore na ista.

Točka 6. Izbor sekretara Saveza

Nakon što je UO BiSaBiH pregledao sve prijave i kandidate za mjesto Gen.sekretara BiSaBiH izbor je sužen na dvije osobe: Amar Njemčević i Goran Guska.

Amar Njemčević je uzeo riječ i kazao kako je Goran Guska kvalitetna osoba i vjeruje kako bi bio izvrstan kandidat za mjesto sekretara, te zbog povećanog obima poslovnih obaveza povlači svoju kandidaturu, ali svakako će biti na pomoći Goranu i Tihi oko poslova u Savezu.

Goran Guska je preuzeo riječ, zahvalio se kolegi Amaru te predstavio svoje planove na razvoju BiSaBiH kroz funkciju Gen.sekretara BiSaBiH.

Zaključak: UO BiSaBiH je jednoglasno usvojio i izglasao Gorana Gusk u na mjesto Gen.sekretara BiSaBiH u mandatu od četiri godine.

Točka 7. Rasprava o izboru sportskog direktora Saveza

Mirsad Jusić je rekao kako smo u dosadašnjem periodu radili sve po pravilnicima i statutu Saveza te bi bila loša praksa da sada biramo funkciju direktora Saveza, kada istu nemamo u Statutu. Trenutno imamo funkciju Direktora Reprezentacija po statutu i to tijelo možemo birati.

Vladimir Kvalja je izjavio kako je njemu svejedno dal će biti reizabran na tu funkciju, budući da će on i dalje korz mjesto člana UO i dalje pomagati rad Reprezentacije BiH i biti na usluzi Selektorima Reprezentacije

Zaključak: Ovu funkciju UO BiSaBiH će birati nakon što se ista unese u Statut Saveza, prilikom njegove sljedeće izmjene.

Točka 8. Ostalo

Tihomir Kvalja se uključio te se zahvalio UO BiSaBiH na dosadašnjem redu, te dodao kako će uvijek bbiti na usluzi BiSaBiH i kako ovaj UO uvijek može računati na njegovu podršku. Također, je informirao UO BiSaBiH kako je stigao račun za članarinu prema UEC te kako bi istu trebali da platimo u sljedećim danima.

Vladimir Kvalja je informirao UO BiSaBiH o datumima utrka, te kazao kako po UCI za sada nemamo pomjeranje datuma za trku Beograd Banjaluka i kako ostaje isti datum održavanja ovog događaja. Dodao je kako će Reprezentacija BiH nastupiti i ove godine na trci Beograd Banjaluka. Nadalje, dodao je kako je u kontaktu sa Upravnim tijelima biciklističkog saveza Slovenije i oni nam ustupaju svoju stazu/pistu u Sloveniji za treninge i utrke naših takmičara.

Sjednica se završila u 20:30 sati.



Zapisnik sačinio: Toni Zorić

Predsjednik UO BiSaBiH

Broj: 066-01/21BSBiH

Toni Zorić

